

Na osnovu člana 118. Zakona o radu („Službene novine FBiH“, broj: 26/16, 89/18 i 44/22), člana 65. stav 1. alineja 6. Zakona o zdravstvenoj zaštiti Federacije BiH („Službene novine FBiH“ broj 46/10 i 75/13) člana 13. stav 2. tačka f) Odluke o preuzimanju prava i obaveza osnivača i usklađivanju organizacije i poslovanja Javne ustanove Zavod za hitnu medicinsku pomoć Kantona Sarajevo („Službene novine Kantona Sarajevo“ br. 7/12 i 21/22) i člana 25. tačka f. Statuta JU Zavod za hitnu medicinsku pomoć KS Prim.dr. Silva Rizvanbegović („Službene novine Kantona Sarajevo“, broj 45/13, 47/13, 20/16 i 01/22), Upravni odbor na 24. redovnoj sjednici održanoj dana 24.01.2023. godine, donio je

**PRAVILNIK O IZMJENAMA I DOPUNAMA
PRAVILNIKA O RADU, UNUTRAŠNJOJ ORGANIZACIJI, PLAĆAMA I
NAKNADAMA RADNIKA I SISTEMATIZACIJI RADNIH MJESTA
JU ZAVOD ZA HITNU MEDICINSKU POMOĆ KANTONA SARAJEVO
PRIM.DR. SILVA RIZVANBEGOVIĆ**

Član 1.

U članu 83. Pravilnika o radu, unutrašnjoj organizaciji, plaćama i naknadama radnika i sistematizaciji radnih mjesta broj 01-02-5017/22 od 25.07.2022. godine, u 1200 Službi urgentnih medicinsko terenskih poslova dodaje se sljedeće radno mjesto:

Šifra org. Jed. Radnog mjesta	Naziv organizacijske jedinice /radnog mjesta	Opći i posebni uslovi		Grupa i koeficijent složenosti	Broj izvršilaca
		Stručna sprema (stepen i smjer) i dodatno znanje	Radno iskustvo		
1207	Diplomirana medicinska sestra- tehničar	VII. odnosno najmanje 240 ECTS bodova. - fakultet zdravstvenih studija, diplomirana medicinska sestra tehničar/Bachelorzdravstvene njege i terapije - stručni ispit - licenca za samostalan rad - edukacija iz oblasti hitne medicinske pomoći u skladu sa međunarodnim standardima - završen HMT I kurs u trajanju od 2 mjeseca, ili - završen HMT II naprednikurs od 2 sedmice ili - završen HMT III kurs u trajanju od mjesec dana -vozački ispit „B“ kategorije	7 godina na poslovima HMT-a	VIII/2 3,80/3,90	12

Član 2.

U članu 83. dodaje se opis poslova za radno mjesto 1207 Diplomirana medicinska sestra tehničar:

Tim 1 HMP

Obavlja sve poslove i radne zadatke iz domena HMT-a.. Prima pozive za hitnu i nteveciju na terenu. Pruža hitnu medicinsku pomoć povrijeđenom i naglo oboljelom u okviru svoje stručnosti. Izvodi ordinirane invazivne i neinvazivne dijagnostičko-terapijske procedure u skladu sa stručnom spremom i edukacijom. Aktivno učestvuje u procesu poroda te u zbrinjavanju porodilje i novorođenčeta pod nadzorom ljekara. Osigurava racionalno

korištenje medicinske opreme i sanitetskog materijala. Vodi dnevne i mjesečne izvještaje u Zavodu. Odgovoran je za snabdijevanje svih medicinsko-terenskih ekipa sanitetskim materijalom i lijekovima iz sektora za medicinsko snabdijevanje u Zavodu. Odgovornim osobama predlaže mjere za podizanje kvalitete i standarda u Zavodu. Obavlja edukaciju medicinskog kadra shodno internim kompetencijama, tj. edukacijama Zavoda (HMT 3), po nalogu direktora Zavoda. Odgovornom ljekaru smjene, ljekaru u timu i glavnom medicinskim tehničaru.

Tim 2 HMP

Obavlja sve poslove i radne zadatke iz domena HMT-a. Pruža hitnu medicinsku pomoć povrijeđenom ili naglo oboljelom na mjestu nesreće i u toku medicinskog transporta samostalno i u okviru svoje stručne spreme i edukacije. Na mjestu nesreće i u toku medicinskog transporta izvodi invazivne i neinvazivne dijagnostičko-terapijske procedure, ordinirane od strane ljekara putem uspostavljenog sistema veze u Zavodu, u okviru svoje stručne spreme i edukacije. Odgovornom ljekaru smjene, ljekaru u timu i glavnom medicinskim tehničaru.

Tim 3 HMP/ Call centar

Koordinira o stalim članovima tima Call Centra u odsustvu ljekara. Prima pozive na telefonu za hitne intervencije. Obavlja, izvještava i poziva Tim 1, Tim 2 ili Tim pripravnosti, JU ZHMP KS. Koordinira radom i usmjerava sve ekipe Hmp na terenu, usmjerava najbližu ekipu prema mjestu intervencije. Prati kretanja medicinsko-terenskih ekipa na terenu cijelog područja nadležnosti. Radi po propisima i algoritmima zadatim od Zavoda po federalnom pravilniku o uvjetima, organizaciji i načinu rada JU ZHMP KS. Vodi evidencije, obrađuje podatke propisane za Call Centar. Obavlja sve druge poslove i radne zadatke koje odgovaraju njegovoj stručnoj spremi po nalogu neposrednog rukovodioca. . Odgovornom ljekaru smjene, ljekaru u timu i glavnom medicinskim tehničaru.

Tim pripravnosti

Svi poslovi i zadaci opisani u timu 1. i timu 2.

Član 3.

Ovaj Pravilnik stupa na snagu osmog dana od dana objavljivanja na oglasnoj tabli Zavoda.

**PREDSJEDNIK
UPRAVNOG ODBORA
Halil Subašić, mr. prava**



Bosnia and Herzegovina
Federation of Bosnia and Herzegovina

CANTON SARAJEVO
Ministry of Health

Broj: 10-04-2836-1/23
Sarajevo, 09.06.2023. godine

JAVNA USTANOVA
ZAVOD ZA HITNU MEDICINSKU POMOĆ
KANTONA SARAJEVO
Broj: 3529
Datum: 12.06.23

JU ZAVOD ZA HITNU MEDICINSKU POMOĆ
KANTONA SARAJEVO PRIM. DR. SILVA RIZVANBEGOVIĆ
n/r predsjednika Upravnog odbora, Halil Subašić, mr. prava
ul. Kolodvorska br. 14
S a r a j e v o

Predmet: Saglasnost – dostavlja se

U prilogu akta dostavljamo Vam Odluku Ministra zdravstva Kantona Sarajevo, broj: 10-04-2836/23 od 09.06.2023. godine, kojom je data saglasnost na Pravilnik o izmjenama i dopunama Pravilnika o radu, unutrašnjoj organizaciji, plaćama i naknadama radnika i sistematizaciji radnih mjesta Javne ustanove Zavod za hitnu medicinsku pomoć Kantona Sarajevo Prim. dr. Silva Rizvanbegović, broj: 540 od 24.01.2023. godine, koji je donio Upravni odbor Javne ustanove Zavod za hitnu medicinsku pomoć Kantona Sarajevo Prim. dr. Silva Rizvanbegović na 24. redovnoj sjednici održanoj dana 24.01.2023. godine.

S poštovanjem,

MINISTAR
Prof. dr. Haris Vranić
Haris Vranić



Bosnia and Herzegovina
Federation of Bosnia and Herzegovina

CANTON SARAJEVO
Ministry of Health

Broj: 10-04-2836/23

Sarajevo, 09.06.2023. godine

Na osnovu člana 70. st. (1) i (2) Zakona o organizaciji organa uprave u Federaciji BiH („Službene novine Federacije BiH“, broj 35/05), člana 12. stav (2) tačka f) Odluke o preuzimanju prava i obaveza osnivača i usklađivanju organizacije i poslovanja Javne ustanove Zavod za hitnu medicinsku pomoć Kantona Sarajevo („Službene novine Kantona Sarajevo“ br. 7/12 i 21/22), kao i člana 25. tačka f) Statuta Javne ustanove Zavod za hitnu medicinsku pomoć Kantona Sarajevo („Službene novine Kantona Sarajevo“, br. 45/13, 47/13, 20/16, 45/19, 13/21 i 1/22), Ministar zdravstva Kantona Sarajevo, d o n o s i

O D L U K U

o davanju saglasnosti na Pravilnik o izmjenama i dopunama Pravilnika o radu, unutrašnjoj organizaciji, plaćama i naknadama radnika i sistematizaciji radnih mjesta Javne ustanove Zavod za hitnu medicinsku pomoć Kantona Sarajevo Prim. dr. Silva Rizvanbegović

I

Daje se saglasnost na Pravilnik o izmjenama i dopunama Pravilnika o radu, unutrašnjoj organizaciji, plaćama i naknadama radnika i sistematizaciji radnih mjesta Javne ustanove Zavod za hitnu medicinsku pomoć Kantona Sarajevo Prim. dr. Silva Rizvanbegović, broj: 540 od 24.01.2023. godine, koji je donio Upravni odbor Javne ustanove Zavod za hitnu medicinsku pomoć Kantona Sarajevo Prim. dr. Silva Rizvanbegović na 24. redovnoj sjednici održanoj dana 24.01.2023. godine.

II

Ova odluka stupa na snagu danom donošenja.

O b r a z l o ž e n j e

Ministarstvu zdravstva Kantona Sarajevo je, dana 31.01.2023. godine, Javna ustanova Zavod za hitnu medicinsku pomoć Kantona Sarajevo Prim. dr. Silva Rizvanbegović, dostavila Pravilnik o izmjenama i dopunama Pravilnika o radu, unutrašnjoj organizaciji, plaćama i naknadama radnika i sistematizaciji radnih mjesta Javne ustanove Zavod za hitnu medicinsku pomoć Kantona Sarajevo Prim. dr. Silva Rizvanbegović, broj: 540 od 24.01.2023. godine, radi davanja saglasnosti na isti.

Uvidom u dostavljeni Pravilnik, Ministarstvo zdravstva Kantona Sarajevo je utvrdilo da se izmjene i dopune odnose na uvođenje radnog mjesta „diplomirana medicinska sestra - tehničar“ sa 12 izvršilaca i da se na taj način povećava ukupan broj izvršilaca za 12.